

wenn i as 97gi zruugg denk, chunt eim öppe folgendes in sinn:  
-mini arbeitsstell, isch si no sicher oder gits veränderige  
-als selbständige, han i no lang büetz. wönd d' lüt 's gäld  
no usge oder händs angst und leggeds uf di hoch kante, reno-  
vierets e'scht spöter  
-eu - euro - kk - schulde vo staat, kanton, gmeind, d' schuel etc.  
hochzit vo chemi und banke, isch das sinnvoll oder muess me  
eifach, wo blibet d' lüt, i was use lauft no alles, wer finan-  
ziert di arbeitslose, wer d' sozialeleistige  
-triffts au mi, mir sind nüme sicher. nöd emol me die ehemols  
sichere tschöpp vo poscht, bahn und banke

guet, dass es no vereine git, wo me sich cha ablenke und vom  
alltag chann abstand neh.  
au mir händ wieder einigi aläss chöne und dörfe gnüsse:  
en tolle skitag, e glatts plauschturnier-danke allne helfer,  
bsunders em heiri, fritz und bea- , e super reis, spöter meh im  
reisebricht, e velotour wo nöd nu de schweiss nässi brocht hät.

super gfüllti platte a verschidene geburri oder suschtige  
aläss hämer bi folgende kollege dörfe gnüsse-hans altwegg-  
beni fässler-ernst feuz-markus frieden-thomas elsener-otto  
guhl-hermann greminger-toni wüest

leider isch de nacht-ol i d hose, will niemerd vo heimehofe  
weiss, a wer si  
d' iladig gschickt händ, vom vorstand jedefalls niemerdem.

üsi leiter händ dank em agebot vom mtv wieder, verschideni kürs  
dörfe bsueche.  
üsi fuschter händ unterschiedlich kämpft, doch isch wenigstens  
ein sieg id anale igange, mini zugerfrau häts fascht nöd ver-  
chraftet: 1.platz in ägeri...witeri räng entnimi em heiri i  
sinere lischte.....

am herze liged üs vom vorstand die vielfach schlecht bsuechte  
turnstunde, d' schwirigkeit isch: für die einte wird zwill trainiert  
statt gspielt und für anderi wird wieder zwänig turnet--en  
tufelschreis.

i möchts nöd unterloh, em vorstand für d' arbet und allne mr-  
riegler für vieli glatti stunde zdanke.

allne gueti gsundheit und e tolls 98gi

eue präsi